

江夏縣志卷五

兵備志八

專城 分汛 民壯 駐防水師 兵事附

弓兵

捕快

塘報

鄉團

古者寓兵於農故鄉遂之師即卒伍之長後世文武分職地方官遂不知兵然而倉庫城池守之不易

國家經制有定營汛相維在無事之時足以詰姦禦暴而已至寇盜充斥變出非常任封疆者視州縣如一家得不為之區畫成保全之良策乎江夏以重鎮所駐恃以無恐而顧往往失之於意外略紀近日兵事始末亦可以知其概矣

專城

南北朝宋孝武孝建初分荆湘江豫州三郡置郢州治江夏

江夏縣志卷五

兵備

罷南蠻校尉遷其營於建康

唐廣德二年置鄂岳沔三州防禦使

宋高宗建炎後屯駐大軍鄂州都統司水軍

孝宗乾道末各州有都統司領兵鄂州四萬九千 府志

元世祖至元二十五年調揚州省軍赴鄂州代鎮戍士卒

明置巡撫湖廣兼贊理軍務都御史一員清軍副使一員屯

田副使一員分巡武昌兼兵備僉事一員湖廣都指揮使

司軍政掌印一員僉書二員 以上俱駐縣治

國朝

督標分中左右三營撫標分左右二營

武昌城守營

叅將一員中軍守備一員千總二員一駐江夏縣一駐武昌縣把總四員

分駐武昌嘉魚咸甯崇陽四縣共兵六百三十七名內馬戰兵六十八名步

戰兵一百七名守兵四百六十二名順治十三年設雍正七年為敬

陳管見等事案內添設外委千總一員外委把總三員分駐江夏

縣水塘早塘及嘉魚通城二縣於馬兵內考拔減除馬兵四名乾隆二十七

年裁除武職原食養廉馬兵七名步兵三十八名守兵二十

六名召補實兵又原設公費步兵十二名守兵六名刪除名

糧名色另行動項作正估撥乾隆五十年裁撥督標額外外

委一員步兵八十四名撫標守兵五十六名歸本營差防實

江夏縣志

卷五

兵備

二

經制兵丁六百八十一名內馬戰兵五十四名步戰兵一百

四十一名守兵四百八十六名官仍舊制添設經制外委千

總一員經制外委把總三員額外外委四員乾隆二十七年增設三員五十

年督標撥人一員見潘志

分汛

江夏縣係千總輪防存營兵丁三百八名其金口青山水汛

係武昌城守營分防

民壯

民壯五十名乾隆二十七年裁山陂驛丞改為巡檢撥給民壯四名許黃鮎魚二巡檢

民壯八名

○弓兵

各巡司永充弓兵一百三名

除看守油坊嶺公館外

實編一百二名

黃司撥守油坊嶺公館永兵一名

○捕快

馬快八名

乾隆十六年改馬快為捕快

新增捕役六十名

同治七年詳設

○塘報

水陸共計一十七塘兵二百四十五名八吉堡汛標兵派撥

輪流防守

本舊志

上江水塘五

自省十五里至江西溝塘

江西溝塘

十七里二分至石嘴塘

石嘴塘

二十一里二分至金口塘

金口塘

十一里至鯉魚滲塘

江夏縣志卷五

兵備

三

鯉魚滲塘

十里九分至下沙沱塘

下沙沱塘

下江水塘六

自省十九里三分至瓦子口塘

瓦子口塘

六里五分至青山夾塘

青山夾塘

十二里至許家滄塘

許家滄塘

三十里至西港塘

西港塘

北岸水塘二

自省三十里至黃花洲塘

黃花洲塘

十三里至馬家洲塘

馬家洲塘

陸塘六

自省三十里至便河口塘

便河口塘

二十里至張公渡塘

張公渡塘

三十里至王博師嶺塘

王博師塘

二十里至青石舖塘

青石舖塘

二十里至東嶽廟塘

東嶽廟塘

二十里至賀勝橋

賀勝橋

咸甯縣界

○鄉團

道光二十一年冬崇陽鍾人傑滋事省城內外奉諭團練堵禦

咸豐二年秋廣西大盜洪秀全擾及湖南省城十七舖奉諭團練舖各練勇百餘人即以各舖紳耆管帶又於大觀書院設立紳局募勇曰紳勇巡察街道募勇曰巡勇周歷城上募勇曰游勇率皆土著後乃分營管帶曰武勇曰楚勇曰練勇則漸及外屬矣

三年羣盜由江南上竄省城十七舖奉諭團防設立團防總局以官紳綜理之團而不練

江夏縣志

卷五

兵備

四

四年羣盜竄踞省城奉諭各鄉倡辦團練立團總團首團長名目按戶派丁恩修黃太三城積善等里舉行惟恩武里各堡督團與賊接仗於李家橋斬獲甚眾餘里未辦

同治元年附城保新等舖北鄉招賢青山八吉等里堡奉諭團練堵禦斬黃捻匪

按團練使民自衛法至善也自不肖者藉眾抗官官懲其弊而嚴禁之以致千里無備民皆散亡其失均矣

○駐防水師

督標武昌水師營

守備一員千總一員把總一員帶領兵丁駐防本城漢口金口青山各水汛並原設虎戰各船俱於乾隆三年為請併營

制等事案內將舊設官弁並步戰外委把總一員步兵一百六十九名守兵一百一十一名歸併漢陽營管轄其金口青

山水汛現係武昌城守營分防

見潘志

一江夏縣係千總輪防存營兵丁三百八名

一船隻陸續裁汰現存巡江船五隻內安設嘉魚縣東嶺水

汛船一隻江夏縣黃花馬家二洲遊巡船一隻駐防省會江

面船一隻

按湖北長江之險水師扼守賊盜萬不敢窺自廢弛不修險無可恃省城至於三陽咸豐五年創立水師炮船江面肅清且可接應陸路其效甚大今改定水師之制上下聯絡嚴密防閑永久奉行萬世之利也

長江戰守議

天下興王之爭勢而已矣勢在西北東南衰勢在西南西

兵備

五

江夏縣志 卷五

北弱此天之運地之數而王者之勢不兩立者也明於其勢者可以立國故西北以九塞為邊而東南以長江為塹邊者屏翰也塹者藩籬也王者以之王伯者以之伯何言之天下精悍之氣果銳之材萃在西北而其勢居常山之首又足以控馭東南故聖人起則東南自并包而無虞可虞者塞外搖蕩憑陵上國耳故國九邊以屏以翰也若聖人起於東南則必挽西北已失之勢而經營於禍亂之中其流爭下其勢用上非先固在我之藩籬則人皆得而乘之四通五達江亦可航也何塹之有我故曰東南以長江為塹而長江又以江北為藩籬不守江北長江無能為也善乎宋臣李綱之言曰六朝之所以能保有江左者以強兵巨鎮盡在淮南荆襄間故以魏武之雄符堅石勒宇文拓拔之眾卒不能窺江表後唐李氏有淮南則可以都金陵及淮南為周世宗所取遂以削弱近年以來大將擁重兵於江南官吏守空城於江北雖有天險而無戰艦水軍之利故敵人得以窺我今當料理淮南荆襄建大帥宿重兵以為東南屏翰噫綱之言豈獨為宋策哉實萬世守江之上議也江自西陵入楚荆岳為第一門戶而襄郢兩郡又荆州之門戶也襄陽自荆門以達荆州疾行不過五六日有高山峻嶺控扼其間即魏武追昭烈故道其地可設奇而制勝若自郢州渡漢而西不走荆門一帶平原

曠野直達龍陂橋無險可恃故襄郢不守則荆州束手耳不
 特此也漢水自襄陽繞郢州至澤口分為二一曰潛繞沔陽
 以入江為沔口一日漢流漢陽以入江為漢口此潛漢入江
 之道也潛漢之交融瀦為諸湖饒魚米竹箭之利為財賦與
 區襄郢不守則漢水與敵人共之潛沔水利我不能有而入
 江之路亦不扼故守襄郢正所以守荆州併漢陽也當於襄
 陽開藩建大帥彈壓中原以封漢水門戶以副帥處荆州練
 水軍為犄角別以偏裨分屯郢漢兩郡如敵人向襄陽則以
 襄之大帥建旗鼓為正郢漢兩屯將分道設伏為奇而以荆
 州副帥出荆門治戰艦為後致敵入窺荆州則以荆之副帥
 為正郢漢兩屯將為奇而以襄之敵入窺荆州則以荆之副帥
 陽為後勁則荆岳上流可無虞也下之則為蘄黃而守蘄黃
 不於蘄黃也進而扼之莫如汝甯汝甯古蔡地南接楚服東
 連廬鳳平川沃野可屯可戰昔吳元濟割據抗唐師四十年
 而南宋亦每扼金人於此當於汝甯開藩建大帥而以副帥
 屯黃州別以偏裨分屯光山固始黃梅羅田各山砦據其形
 勝賊由汝甯犯黃道必由光山固之間則以固始屯將當其前
 商麻兩路設奇為翼黃州清四野以待之賊由廬鳳犯黃道
 必由英潛六安之間則以黃梅羅田屯將當其前以蘄黃兩
 路為翼汝甯舉山砦以趨之祇用大將居中調發權其緩急

庶不致鞭馬腹難以遙制耳更下則為安慶亦不在安慶也
 蓋地勢逼處江干進不可以力戰退而有舟楫之便一不勝
 則航而逃矣其誰與守進而求之廬州山深而澤大稱襟帶
 之國鳳陽遠障淮水外環類壽桐霍則中州之來路六安英
 山為入楚之咽喉當於廬州開藩建大帥而以副將處安慶
 別以偏裨分屯英六類壽諸州敵人窺伺其前騎後勁左右
 翼之法一如荆黃則呼吸運掉可以立應不特此也巢湖在
 焉逼潛山太湖開多水寇出沒不測為長江奸藪昔魏武四
 越不成明太祖渡采石取太平諸路得巢湖水師力居多守
 廬者守湖也以絕其矚江之路也而安慶沿江一帶可以無
 虞矣再下則古淮南為六朝都金陵所必爭之地當於揚州
 開藩建大帥而以副帥處淮泗別以偏裨分屯滁和儀徵江
 浦各隘口淮上之師塞其入漕之徑泗州之旅扼其淮淝之
 門浦口之軍絕其南窺之路宿將臨戎長撫遠馭淮之南北
 江之左右有百堅無寸瑕也矧禹貢分野以揚為東南財賦
 之區鹽樵之利甲於九州撫而有之軍國之資也大勢一在
 東南則龍蟠虎踞之金陵必不可棄而淮揚國之外府顧可
 與他共哉四帥既立大勢維城進而使之攘外則事會一有
 可乘責襄陽以圖宛鄧遙應關中檄汝固以出睢陳經畧河
 上令廬州以綢繆淮西南制其奔突而揚州則揚兵淮海號

令山東此進而有可戰之勢也退而使之安內則封疆一旦
有警荆郢可以保岳鄂斬黃可以固九江安嶽可以靖池州
太平諸路而揚州足以扼鎮江此退而有可守之地也嘗攷
古今來取江南之路魏武之伐吳也先取荆襄得劉琮水軍
戰艦方得順流而東及赤壁一敗孫討虜移鎮武昌躬擐甲
曹所以無隙可乘臨江而有天限南北之嘆也晉王濬王渾
會取荆屬治水師破西陵燒鐵鎖徑抵石頭而吳以降使西
陵堅守上流不破晉亦何得而入吳哉是役也雖二王功高
其實羊祜杜預前後鎮襄陽無日不謀南伐修戰艦於漢沔
與屯成於荆門而後一舉成滅吳之功益信荆襄之不可不
守也東晉之在江左也苻堅以傾國之師自淮淝人寇謝元
以偏師破之致淝水不流而入公山之草木皆兵豈非以陶
侃廣亮在上流無西顧憂故得以一意淮西耶劉豫導金人
入寇亦每由淮淝來雖一時將相協力或敗之於盱眙或敗
之於靈壁或敗之於潁昌亦緣淮西固禦不早故敵人
得以攻我之瑕若岳飛在荆襄上流自不敢窺耳元人南下
必先得襄陽以呂文煥為鄉導破郢入取陽邏以下長江以
漢水之門戶破也假襄陽不破文煥不降北騎先不能渡漢
何以涉江哉大抵歷來爭江南北之路不由荆襄必由淮淝以
兩路勢所必爭可出堂堂正正之旗若夫宋太祖用樊若水

兵備

江夏縣志卷五

之謀浮橋采石以濟而金元尤直躡鎮江逆戰於下流門戶
此又用奇出險別是一策耳至於荆湖之上又以蜀為上流
益州四川險阻沃野千里諸葛謂之用武之國公孫述躍馬
稱帝漢昭烈定都分鼎資其地利以王以伯且階文斜谷皆
與秦鞏逼欲圖秦不可忘蜀祁山狹道其意何嘗一日不向
關中也降而吳玠吳璘與金人大小數十戰始有其士豈爭
一蜀哉亦慮國家以長江為命脈則上流第一層鎖鑰不可
不固也建康而下則長江之尾閘也姑蘇有震澤之饒浙江
有錢塘之險昔錢鏐張士誠跨有虎視依山阻水豪傑之資
豈可以勢下而或忽歟控上游者爭荆蜀而洩尾閘者通閩
越四大帥星羅棋布相維相錯首南向而心北向則長江不
壅而益雄矣語云禦寇於門庭不於堂奧若布置不於淮南
荆襄待師來江上而逆之
晚矣晚矣 見棗陽縣志

兵事附

周景王甲子八年冬楚子蔡侯陳侯許男頓子沈子徐人越人

伐吳

報棘櫟麻之役遺謝以繁
之師會於夏浦左傳

漢順帝永和二年江夏盜賊殺邾長順帝紀

建康元年南郡江夏盜賊寇掠城邑州郡討平之順帝紀

靈帝建甯二年江夏蠻反州郡討平之靈帝紀

光和三年江夏蠻反通鑑

中平三年春二月江夏兵趙慈反殺南郡太守秦頡六月

荊州刺史王敏討趙慈斬之通鑑

獻帝建安四年十二月辛亥孫策進擊江夏太守黃祖大

破之策軍至沙羨劉表遣從子虎及南陽韓暹將長矛五千來救甲寅策與戰大破之祖脫身走獲其妻子及

船六千艘士卒殺溺死者數萬人 劉表傳

癸未八年冬十月孫權西伐黃祖破其舟師惟城未克吳志吳主傳

江夏縣志卷五

兵備

八

丁亥十二月孫權西征黃祖擄其人民而還

戊子十三年孫權復擊黃祖斬之屠其城祖橫兩蒙衝挾守沔口以大繩繫石為釘

伏弩夾射軍不得進偏將軍董襲與別部司馬凌統各將死士百人突入襲以刀斷兩繩蒙衝橫流大兵水陸並進

盡銳攻之遂屠其城祖亡走騎士馮則追斬之擄男女數萬口 通鑑

九月劉備敗當陽走屯夏口冬十月曹操東下孫權遣周瑜

魯肅等與劉備迎擊於赤壁大破之劉備奔江陵操追至當陽及之備與關某

船會得濟泗遇劉琦兵萬餘人與俱到夏口操進兵赤壁備及周瑜以火攻大破之操遜還南郡 通鑑

後帝建興十二年吳嘉禾三年孫權遣陸遜諸葛瑾屯江夏沔

口向襄陽

景耀五年吳永安三年夏口督孫秀奔魏吳主從弟秀為夏口督吳主惡之會遣何

定將兵五千獵夏口秀驚奔於魏

晉武帝泰始四年吳寶鼎二年吳將施績入江夏武帝紀

咸甯三年吳天紀元年冬十二月吳人襲江夏汝南大略而還

吳夏口督孫慎入江夏汝南掠千餘家而去 吳志

巳五年吳天紀三年冬十一月大舉伐吳遣建威將軍王戎出武

昌將軍瑯琊王佃出涂中平南將軍胡奮出夏口王渾出

江西杜預出江陵

太康元年庚子詔王濬唐彬與胡奮共平夏口武昌順流長騫

直造秣陵通鑑

惠帝太安二年癸亥春三月義陽蠻張昌叛據江夏秋八月荆

江夏縣志 卷五 兵備 九

州刺史劉宏擒斬之江夏大稔流民就食義陽蠻張昌募眾為亂以山都人邱沈為主改姓劉

偽號漢建元神鳳攻破郡縣太守弓欽討之不勝遂據江夏遣其將馬武破武昌荆州刺史劉宏遣司馬陶侃戰於

清水擒斬之 晉書 惠帝紀及張昌傳

永興二年陳敏叛江夏太守陶侃討破之敏據歷陽叛劉宏遣江夏太守

陶侃武陵太守苗光屯夏口討敏破之 通鑑

懷帝永嘉四年華軼遣前江夏太守陶侃為揚武將軍率

兵三千屯夏口晉書華軼傳

辛未五年漢嘉平元年漢石勒入江夏時西陽夷賊掠江夏太守楊珉遣朱伺屢擊勝之正月石

勒謀保據江漢會軍中饑疫乃渡沔口寇江夏陷之珉走夏口及陶侃來戍夏口伺依之 晉書朱伺傳

成帝咸康五年巳亥趙建武趙寇江夏竟陵太守李陽敗之趙王

虎遣夔安等以二萬騎攻陷沔南邾城進寇江夏竟陵太守李陽拒擊敗之通鑑

孝武帝大元丁丑二年使楊亮守江夏通鑑

宋明帝泰始乙巳元年郢州刺史安陸子綏起兵應潯陽晉安

王子勛通鑑宋孝建元年分荆湘江豫之八郡置郢州治江夏

順帝昇明丁巳元年宋荆襄都統沈攸之舉兵江陵討蕭道成

軍潰走死沈攸之討蕭道成至夏口主簿宗儼之勸攻郢城攸之欲留偏師守郢城自將大軍東下前軍

長史柳世隆挑戰攸之怒改計攻城不克逃者稍多及劉攘兵射書入城請降夜燒營去攸之率眾渡江至魯山還

江陵聞張敬兒已據城乃縊而死通鑑

齊和帝中興辛巳元年二月蕭衍圍齊郢城降之竟陵太守房僧寄被代至

郢留守魯山郢州刺史張冲分部拒守梁主出沔口圍魯山遣曹景宗等攻郢城冲固守不出南齊張冲傳

江夏縣志卷五

兵備

十

高祖築漢口城以守魯山楊公則舉湘川之眾會於夏

口命張惠紹等遏江中絕郢魯二城信使梁武帝紀秋七月東軍主吳子揚等十三軍救郢州屯加湖去郢三

十里梁攻走之魯山之糧將奔夏口衍遣偏軍斷其走馬城主孫樂祖以城降郢城被圍二百餘日男女死者十七八城主程茂薛元嗣乃議出降通鑑

梁武帝大通戊申二年魏郢州叛附於梁魏郢州刺史元顯達以義陽內附詔郢州

刺史元樹迎之改魏郢州為北司州通鑑以夏侯夔為刺史兼督司州

簡文帝大寶庚午元年二月邵陵王綸至夏口郢州刺史南平

王恪以州讓綸綸自隣陽引兵西至夏口南平王恪以郢州讓綸不受乃推綸為假黃鉞都督承制

帝紀 梁簡文

秋八月梁湘東王繹取郢州繹遣領軍將軍王僧辯鮑泉襲

將劉龍武降僧辯入據郢州綸潰走武昌繹以長子方諸為郢州刺史鮑泉為長史梁書邵陵王綸傳

辛未二年侯景襲郢州景密遣宋子仙任約襲郢州刺史蕭方諸長史鮑泉惟捕酒自樂告賊至不信

賊遂入城執方諸及泉送景所景殺泉於江夏投屍黃鵠磯 梁書鮑泉傳

六月王僧辯復郢州僧辯引兵至漢口攻魯山克郢州大破侯景將宋子仙於白楊浦周鐵虎擒子

仙送江陵殺之 通鑑

敬帝紹泰乙亥元年齊天保六年齊取梁郢州郢州刺史陸法和以郢州附齊長史王珉

不從殺之齊使儀同三司慕容儼戍郢州王僧辯遣侯瑱攻之儼隨方備禦乘閒出擊破之堅守半歲食盡以地遠難守割以與梁凡梁民亦還之 通鑑

太平丁丑二年梁丞相霸先擊王琳於郢城琳敗之遂克江州

梁以王琳為司空琳不就徵大治舟艦將攻陳霸先梁遣侯安都周文育將舟師會武昌擊王琳於郢城圍之未克琳至安都悉眾詣沌口會戰大敗囚安都文育等琳移湘州軍府就郢城 通鑑

江夏縣志 卷五

兵備

十一

陳武帝永定己卯三年梁丞相王琳以孫瑒為郢州刺史琳敗陳師

於淦城以孫瑒為郢州刺史總留任奉梁主莊出屯濡須口陳吳明徹襲淦城琳遣任忠大破之 通鑑

世祖天嘉庚辰元年周武成二年周襲郢州刺史孫瑒以州降陳周

荊州刺史史史甯乘虛襲郢州得其外城燒內城南面五十餘樓瑒兵不滿千乘城固守解圍去瑒以州降陳 通鑑

宣帝太建癸巳五年齊武平四年郢州刺史李綜克灑口城陳宣帝紀

隋文帝開皇癸卯三年陳後主至德元年陳郢州城主張子譏遣使請

降高祖以與陳和好不納隋書高祖紀

戊申八年秦王俊攻郢州降之俊為行軍元帥屯漢口于仲文

漢口陳郢州刺史荀法尚請降納之 隋于仲文傳
陳將周羅睺苟法尚以勁兵數萬屯鸚鵡洲總管崔宏度請擊之俊慮殺傷不許羅睺亦相繼降 隋文四子傳

唐德宗興元甲子元年春正月李希烈襲鄂州刺史李兼破之

希烈以夏口上流要地使驍將董侍募死士七千人襲鄂州刺史李兼大破之以兼為鄂岳沔都團練使希烈不敢

復窺江淮
通鑑

憲宗元和乙未十年詔鄂岳觀察使柳公綽討吳元濟元濟據

發十六道兵討之詔公綽以兵五千授安州刺史李聽赴行營公綽請自行號令整肅鄂軍在行營者省問其家疾病死喪厚給之故得士卒心戰每克捷
通鑑

文宗太和辛亥五年秋八月以崔郾為鄂岳觀察使鄂岳多盜

訓卒招兵作蒙衝追討悉誅之初郾在陝治尚寬及至鄂嚴刑峻罰或問之曰陝土瘠民貧撫之尚恐其驚鄂地險民雜慄狹為姦非用刑威不能致治政貴知變故也
通鑑

僖宗乾符丁酉四年春二月濮州賊王芝仙陷鄂州唐僖宗紀

江夏縣志 卷五

兵備

三

己亥六年黃巢陷鄂州山南東道節度使劉巨容大破黃巢於荆門賊渡江攻鄂州陷其外郭
通鑑

中和甲辰四年春三月前杭州刺史路審中陷鄂州唐僖宗紀

昭宗乾甯丁巳四年春二月以楊行密為江南諸道行營都統

討武昌節度使杜洪執斬之杜洪鄂州人路審中為董昌拒走黃州洪為州將乘虛入

鄂自為節度留後僖宗即拜本軍節度使洪附朱全忠絕東南貢路全忠圍鳳翔昭宗遣使東出道武昌洪皆殺之時楊行密略光州洪與忠義趙匡凝武安馬殷襲安州天復三年行密使鄂岳招討使李神福劉存率舟師萬人討

洪圍鄂州全忠時與河東軍薄戰不能救洪走汴全忠遣曹延祚部萬三千人救洪淮南劉存擊擒汴士三百徇城下洪軍奪氣城陷執洪及曹延祚皆斬揚州市以劉存守鄂州行密死馬殷遂取其地
唐書杜洪傳

梁太祖乾化甲戌四年楚人襲吳黃州克之楚岳州都指揮使王環乘風趣黃州

鄂人不知奄過其城大掠而還
展旗鳴鼓鄂人不敢逼
通鑑

後周世宗顯德三年詔武平節度使王逵攻鄂州以逵兼中書令

為南面都統攻唐鄂州殺三千人通鑑按五代史南唐書均作王進達

戊午五年春正月荆南高保融遣指揮使衛璘將戰船百艘東

下至鄂州通鑑

宋太祖開寶七年冬十一月知漢陽軍李恕敗江南水軍

於鄂州殲其甲士三千餘人獲戰艦四十餘艘李燾通鑑長編

高宗建炎四年鄂州統制部將彭筠叛合劉超犯復州所

過殘滅宋高宗紀

紹興元年春正月賊曹成人漢陽軍李允文招之成人鄂

州成自湖南率眾趨漢陽安撫使李允文遣使招之成曰若使人城秋毫無犯否則縱軍蹂躪許之自平湖門入

江夏縣志卷五

兵備

三

賊出屯於東門之外建炎以來繫年要錄

二月知漢陽軍馬友遣其黨犯鄂州總管張用拒卻之宋高宗紀

五月孔彥舟犯鄂州彥舟自衡山引進犯鄂州安撫使李允文遣人招之彥舟聽命遂以湖東副

總管屯漢陽九月命馬友移屯鄂州宋高宗紀

癸丑三年以王玘為荆湖制置使屯鄂州通鑑

甲寅四年楊太敗官軍於鼎江詔岳飛為湖北荆襄潭制置使次鄂州移兵討之宋高宗紀

乙卯五年二月岳飛大破楊太於洞庭太死湖湘平還軍鄂州

除招討使宋史岳飛傳

丙辰六年秋九月岳飛因奏進取中原不許以孤軍無援引還

鄂州通鑑後編

辛酉十一年趣岳飛會兵斬黃飛發鄂州

辛巳三十一年夏五月命王管馬軍司成閔戍鄂州朝議以上流重地邊

西闕遠兵力難分命閔以所部三萬人往武昌控扼建炎以來繫年要錄

十二月金人犯茨湖擊郤之金以舟渡師犯漢南之茨湖鄂州軍旂頭史俊麾旂直登其舟

呼曰前軍得功矣敵大驚諸軍繼進殺其千戶一人奪舟數千金人乃還建炎以來繫年要錄

甯宗嘉定丁丑十年夏四月金人分兵犯樊城鄂州

理宗嘉熙丁酉元年蒙古昆布哈攻黃州鄂州都統制孟珙往

救走之昆布哈率舒光斬三郡人馬攻黃州珙率師往救民喜曰吾父來矣敵遂遜宋史孟珙傳

戊戌二年二月以史嵩之督荆湖江西軍馬置司鄂州通鑑

開慶己未元年蒙古分道進圍鄂州賈似道救鄂州遣使請和

江夏縣志卷五

兵備

西

圍解似道以捷聞忽必烈渡淮由大勝關張柔由虎頭關分道並進忽必烈得沿江制置司榜有

云今夏謀者聞北兵會議取黃陂民船由陽邏堡渡會鄂州日此事前所未有願如其言黃陂漁人獻舟且為鄉

導官軍以大舟扼江漢董文炳搏戰官兵大敗進圍鄂州冬十月以賈似道為右丞相兼樞密使進師漢陽援鄂州

都統權州事張勝出襲苦徹拔都兜戰沒攻益急城中死傷至萬三千人似道大懼乃密遣宋京詣蒙古營請稱臣

納幣適蒙古主計至乃許割淮南漢上梓夔兩路歲幣銀絹各二十萬兩匹括若去似道以大捷聞通鑑

帝遣招諭鄂州至東門矢下如雨敗還帝抵鄂屯兵教塲登城東北壓雲亭立望樓取逃民棄糧為攻取計宋將呂

文德自重慶入鄂守益固十月移駐龜山十一月移駐牛頭山時皇后密請速還乃留巴圖爾圍鄂還駐青山磯論

景定庚申元年蒙古兀良合台會張傑於鄂州帥師北還通鑑

度宗咸淳甲戌十年冬十二月元伯顏拔陽邏堡會阿朮趨鄂

州權守張晏然舉城降朱禰孫救鄂不至而還伯顏至蔡店時夏貴

以漢鄂舟師據要害分布三十餘里王達守陽邏堡朱禰孫以遊擊扼中流伯顏不得進乃圍漢陽聲言取漢口渡

江貴移兵援漢陽伯顏乘閒遣阿剌罕倍道襲沙蕪口通舟於江遣阿里海涯以白鷁子千艘攻陽邏堡貴率眾來

援阿尤昏時率四翼軍溯流至青山磯夜大雪黎明徑渡力戰中流宋都統程鵬飛負重創走還鄂州夏貴棄師還

廬州王達及水軍統制劉成戰死遂拔陽邏堡趨鄂州知漢陽軍王儀以城降權守張景然與程鵬飛以州軍降幕

僚張山翁不屈伯顏曰義士也釋之命行省右丞阿里海涯及賈居貞以四萬人戍鄂規取荆湖自率眾與阿尤東

下朱禰孫率師援鄂聞陽邏堡敗奔江陵通鑑賈居貞以僉行省專留鄂發倉廩賑流亡廩食宋宗室子

孫蘄州寇起縣民傅高應之鄭萬戶言鄂大姓與傅高逼請除之居貞曰大姓何預可保無他鄭留部將戒曰聞吾

還即舉烽內外合發盡殺城中大姓會鄭戰敗溺死乃免及居貞行鄂老幼號送於道元史賈居貞傳

江夏縣志

卷五

兵備

五

元順帝至正壬辰十二年春正月徐壽輝遣鄒普勝陷武昌威

順王寬徹普化省志作庠春布哈湖廣行省和尚棄城走通鑑

癸巳十三年秋七月湖廣行省叅政阿魯輝復武昌及漢陽通鑑

乙未十五年秋七月倪文俊復陷武昌漢陽等處通鑑

辛丑二十一年明太祖伐漢大破之陳友諒敗死子理奔武昌

友諒沔陽人本姓謝黃蓬漁子嘗為縣吏不樂往依羅田徐壽輝將倪文俊為樞樞尋統兵為元帥襲殺文俊并其

軍自稱平章至元戊戌陷安慶龍興等路徐壽輝欲徙都龍興發漢陽下江州友諒伏兵盡殺壽輝部曲自稱漢王

庚子犯龍江敗還至采石弒其土壽輝稱帝國號漢改元大義尋陷安慶明太祖大破之奔武昌作大艦載家屬空

國兵六十萬攻洪都與明太祖戰左蠡屢敗欲由禁江日奔武昌明兵邀擊之友諒中流矢死稱帝僅四年年四十

偽帥張定邊舟載友諒屍及其子理趨武昌立為帝改元德壽明兵復圍之明史陳友諒傳

甲辰二十四年明兵滅偽漢所據湖廣諸郡皆降於明

明太祖親督師

武昌其丞相張必先自岳州來援次洪山常遇春擊擒之以徇城中大懼降將羅復仁入城招諭理遂帥其大尉張定邊降城中民多饑困給粟賑之封友諒父普才承恩侯徙濂理歸德侯徙高麗 明史陳友諒傳

明武宗正德六年夏五月流盜劉六劉七往來江上

劉六旋敗

死江中獲其屍

莊烈帝崇禎八年流寇四十八股屠掠江北

乙亥丙子間流寇過天星

扒山虎紫金梁王和尚滿天星蝎子塊老狃狃一字王邢管隊領兵王整齊王闖塌天南營八大王西營八大王二隊八大王八隊闖將入爪龍不沾泥混世王曹操亂世王張飛九條龍五條龍賀雙全高總管混天星過江王齊天王閻和尚出獵鴈黑心虎搜山虎混天王上天王新一字王順義王大膽王征西王福壽王密靈王荆聯子英王王鎮虎宋溫趙令軍郝光四十八股往來江北屠掠無虛日省會晏如富家巨室多渡江依棲焉

江夏縣志卷五

兵備

六

壬午十五年冬左良玉至武昌

良玉壁樊城以萬人扼淺洲李自成乘勝爭渡良玉不能遏宵

遜而南十二月至武昌從楚王乞二十萬人餉不應十九日縱兵淫掠城下居民盡逃二十日轉掠金沙洲宗室士民奔竄山谷多為土寇所害驛傳道王揚基奪門出掠其貲并子女十六年正月兵去居人登蛇山望慶更生曰左兵去矣 明史左良玉傳

癸未十六年夏四月賊陷漢陽

張獻忠犯漢陽武昌參將崔文榮渡江襲斬六百級已而城陷

明史忠義傳

夏五月張獻忠陷武昌沉楚王華奎於江在籍大學士賀逢

聖等死之

左帥移師東下掠兩岸船幾盡止於九江張獻忠先為督師楊嗣昌困於瑪瑙山遜入六安山

中踰年始出陷蕪黃益以麻城里仁叛黨洪明諸逆勢益張姦謀遍布城中武昌素無重兵或議撤江上兵以守參將崔文榮曰守城不如守江煤炭鴨蛋諸洲淺不及馬腹縱之飛渡而坐守孤城非策當事不應楚藩所募護衛新

兵弁領張以敬本黃岡諸生嘗犯教楚藩督過之因潛通
賊從團風渡江陷武昌出營樊口由鴨蛋洲畢渡抵洪山
洪山守將退入城故相賀逢聖啟楚藩請發鎗搗士卒不
許適監軍王揚基奉命撫江北先期遯防守鎮守兵亦跳
走有發以敬通賊謀北撫笑斥為妄時賊猶徘徊馬橋以
敬等懼誅速之二十九日突至攻大東門翌日未刻大雷
雨城守者不能仰視有寒而仆者雨止各巷口有白衣一
二人呼曰賊已從某門入守者內顧賊遂登城入踞王宮
以竹兜昇楚藩華奎浮之江賀逢聖以船載家屬鑿沈滋
陽湖死同時致命者有長史徐學顏諸生馮雲路明睿汪
陞延朱華趙等其餘抗節不彰難悉數也賊大殺城中三
晝夜復驅男婦數十萬開漢陽門擠之江浮屍相屬水為
腥賦不可汲者累日購捕楚宗翦薙無遺賊僭號西王鑄
西王之寶改武昌為天授府江夏曰上江縣設偽官開科
取士勦黃等二十一州縣悉附左帥自安慶遣方國安等
西上擒殺偽官吏獻忠懼取楚藩金寶掠男婦趨岳州長
沙蘄黃漢陽皆反正左帥以恢復奏功封甯南侯開
藩鎮楚而江北諸城郭又半為李自成有矣 明史

國朝

江夏縣志 卷五

兵備

七

世祖章皇帝

乙酉二年 左帥屢與闖帥白旺戰涓河開不勝子夢庚以
誅馬士英為名反於武昌脅撫按不從何騰蛟

尤以死拒乃縱兵沿江大掠而
東良玉不能制行至九江恚死

三月

逆闖李自成自陝西敗竄眾尚二十餘萬由商維入鄂
襄渡江趨武昌江南北悉被荼毒逆成自屢敗後每行
軍大隊在前已率數十騎在後居鄂兩日忽大風飛沙對
面不見闖疑懼拔營欲追何騰蛟踞湖南至通城以二十
八騎登九宮山為窺伺計鄉兵四起亂刃誅之英藩靖
遠大將軍逐賊至省置官撫輯而去 何騰蛟奏疏

戊子五年秋七月

固山劉大將軍自江南
帥師至鄂進取湖南

甲午十一年春

經略內院洪承疇督
師至省規取滇黔

己亥十六年夏

海寇犯江南風
鶴及於鄂渚

聖祖仁皇帝康熙

癸卯二年

西山用兵
民困夫役

甲寅十三年

逆藩吳三桂反於雲南湖湘繼陷四月逆兵
抵咸甯巡撫張朝珍守城靜鎮絕無騷擾

乙卯十四年 我兵進攻岳州 禁旅薦至 御馬絡驛麻鐵綿

駐省巡撫張力持兵馬 不許入城士民安堵

庚申十九年 馬將軍統旗兵入廣息馬諸門先有標兵數千人

徐惺多方撫諭人給月糧 及軍裝馬匹遣之遂安

冬 總督蔡提兵入黔詔都御史王移鎮荊州料 理糧糗採辦布政使徐議免黔夫七千名

辛酉二十年 雲南平徭 役少息

壬戌二十一年 諸王大將軍班師回京捉船不次冬總 督董自荆旋鎮鄂渚是年議汰綠營兵

癸亥二十二年 滇蜀大帥留後者攜家口陸續回京及運送 逆藩家口俱由武昌募船更換遞至江南

丁卯二十六年 汰冗兵督標舊設三營三藩之叛添設 二營兵各千名議復舊制裁五為三

戊辰二十七年夏五月 督標材官竟陵人夏逢龍以請 餉為辭糾裁兵樹幟楚王臺月餘當事 兵備

江夏縣志 卷五

六

不為意遂謀亂二十二日昧爽集撫署前襄陽總兵許盛 叱之眾譁箭中許右肩刃前導一人巡撫柯永昇踰牆走

賊劫巡撫印二十三日坐撫衙部署偽職脅從者髡髮都 司宣德仁聞變縊逼糧道葉映榴降葉給賊洞開九門縱

民出囑指書遺本遣僕葉忠懷印達 帝閣始自刎先 時有妖僧大元坐資陽門內不語者數年賊過忽曰吾見

東南有白氣久至此相待至是迎為軍謀主賊偽稱代天 行道總理兵馬大元帥甲乘旗幟皆白眾至數萬掠漢陽

武昌黃岡咸甯嘉魚六月二十四日常德提督徐治都率 師抵金口賊犯應城荊州將軍噶敗之城下遂歸武昌自

封為永王會南浙博瓦二將軍拒於黃州賊見勢促思南 上危徐治都後阻餉道七月十五日徐陳師赤磯山之鯉

魚膠遽乘之賊盡赴水死逆脫歸省城偽總兵胡耀乾見 逆屢敗登陣不納夜遁黃州諸生陳王謝執獻博瓦營礮

之賊眾悉降八月朔日斬渠魁胡耀乾妻傲舜傅爾學 起功等妖僧大元先已為逢龍所殺其脅謀妻鎮遂劫定

國婁倣文婁倣漢談心宗等具 題立決家產變 給有功官兵贖平 按黃岡志執逆者為官畏生

己巳二十八年春正月 巡撫楊素蘊偵知無異藉放燈以安民 諺傳夏逆餘黨煽亂居人逃避禁弗止

心城門不閉者
三夜謔言頓息

夏六月 旱市井無賴越入鄭龍等六人約乘夜放火肆
搶奪機露總督丁思孔巡撫楊素蘊執斬之

甲申 四十三年 前年紅苗叛總督俞成龍往征之至是
苗民服輸班師還撥兩標兵卒更戍之

甲午 五十三年 漢口民王爾寅陶二結黨圖不軌陰置軍器部
署文武遣黨李五等十六人要卓刀泉僧僧陰

白上官時督撫均他出臬使張連登攝藩篆秘僧西亭密
遣武昌同知王景皋跡所在排牆直入悉擒之驗問反形
下之獄且出令曰反者某人於眾無與所得誓書已焚之
矣反側悉解散中有姚道人太慈也訊囚得實檄景陵繪
形跣緝七日獲之兩院歸將入告張請便宜行事取其魁
七人杖殺閩馬廠餘多隣省人分遣回鄉 段嶸生作靖

變紀
略

己亥 五十八年春 大兵取西藏撥江甯杭州駐防兵各千人戍
雲南由江夏赴沅州兩院會議於黃鶴洲停

泊挨次換船民船載菜
蔬貿易兵無入城市者

江夏縣志 卷五

兵備

○ 兵事紀略

咸豐二年十二月初四日廣西巨盜洪秀全等陷武昌省城署知縣繡麟典史楊瀚死之先是總督程喬采督兵駐衡州賊由廣西永安州突圍出犯長沙時天下兵餉皆聚於湖南賊攻長沙不下遂掠舟渡洞庭直趨武昌巡撫常大滄以岳州有兵不爲備及聞岳州不守倉皇不知所措盡焚城外民居江上一無防戍故賊至不知及抵城下湖南兵追至洪山屢與賊戰以大帥久駐岳州擁兵不下故弗克然城內若爲之應不難解圍而巡撫太不知兵一以事權委之提督雙福而雙亦不善調度僅知斂兵株守眾兵有告奮勇願殺賊者

江夏縣志

卷五

兵備

兵事紀略

三

復吝賞不行以至人心懈散賊穴地攻城而守者不知文武殫難雖多而功罪各不相掩最烈者咸予立傳其餘湮沒不彰姑俟采訪補輯

四年正月賊由江南上犯總督吳公文鎔督師迎拒於黃州兵次堵城大風雪公督戰急兵潰公死之文武員弁多從死者按察使唐公樹義督水師駐江上巡撫崇綸奪其軍唐公赴水死崇綸以憂去中途被逮仰藥死署巡撫青麀以飢軍不能守率眾出奔至荊州伏誅知縣嚴澍森先有事赴鄉故不及於難六月初二日城再陷司道以下文武官紳兵民婦孺死者一千數百人八月二十四日提督塔公齊布觀察羅

公澤南進兵攻克之

五年正月賊黨石達開又上犯燒漢口逼武昌巡撫陶公恩培率兵勇駐省城觀察李孟羣總兵王國才率水陸兵勇堵禦江上二月十七日賊由雞窩偷渡焚忠孝門入陷之巡撫以下文武官紳兵民婦孺死者三千有奇署知縣江世玉在鄉捐餉時臬使胡公林翼駐金口有重兵世玉往依之旋不合挂冠去復往依藩司馬公秀儒於襄陽總督楊需台湧皆駐兵於外先後得罪去荊州將軍官公文既受

命任總督事會合曾公國藩楊公岳斌彭公玉麟李公續賓胡公林

翼率水陸諸軍先收外郡然後規取省城踰年十一月二十

江夏縣志

卷五

兵備

兵事紀略

三

六日克之軍興以來省城凡三陷始則帑藏數十萬兵勇數千人向使調度得宜鼓勵將士何至虞出意外繼則餉項不敷勉強支持迄不能保三則瘡痍未復守備全無先後之情事不同劫數之湊合非偶追思痛責亦何益哉姑志前車以爲後鑒云爾

江夏縣志卷五

刑法志九

監獄 救火

刑具 禁賭

配犯

秋審

決囚

盤詰

夜巡

唐虞之世。皋陶作士。明刑弼教。自古然已。書曰。惟明克允。又曰。民協于中。所謂允與中者。即今之律與例也。百姓訟獄。起於州縣。州縣聽斷。勤慎獄訟。不與如得其情。哀矜勿喜。此地方所以臻於治也。武健之酷。與姑息之愛。其失均同。國家條例極周。折衷至當。能通其意。措無不宜。以生道殺民。雖死不怨殺者。蓋人命至重。非可苟焉已也。星星之火。可以燎原。涓涓不塞。流為江河。防微杜漸。又烏可忽乎哉。

監獄

江夏縣志

卷五

刑法

二二

縣監在署西。典史專管重柵。複牆外圍以棘。門首畫犴狴。所以拘繫不法也。男子犯徒罪以上。婦人犯姦及死罪。皆應收禁。軍民杖以下。婦人流以下。及老幼癯疾。皆散收押禁。官犯私罪。除死罪外。徒流鎖收杖以下。散禁公罪。自流以下。皆散收。輕重不得混雜。鎖杻常須洗滌。席薦常須鋪置。冬設煖床。夏備涼漿。凡在禁囚。犯日給倉米一升。冬給絮衣一件。病給醫藥。看犯支更。禁卒巡邏防範。夜給燈油。並於在官錢糧內。支放管獄官早晚進監點驗。時先將監門封閉。俟點驗畢。出監時再行啟閉。其刑具赭衣。毋許私行開放。任意換脫。致有疎虞。有監獄之責者。除照向例設立循環簿。填註每日出入。

監犯姓名申送上司查閱外務令專管監獄官將監內人犯無論新收舊管逐一開載填註犯案事由監禁年月及現在作何審斷之處造具清冊存查寓矜恤昭詳慎也

刑具

笞刑五

笞者擊也又訓為恥用小竹板

一十

折四板

二十

除零折五板

三十

除零折一十板

四十

除零折十五板

五十

除零折二十板

熱審笞五十者全免杖六十減笞

者不免

杖刑五

杖重於笞用大竹板

六十

除零折二十板

七十

除零折十五板

八十

除零折三十板

九十

除零折十五板

一百

除零折四十板

律贖每杖一十贖銀七釐五毫

例贖每杖一十贖銀一錢

江夏縣志

卷五

刑法

徒刑五

徒者奴也蓋奴辱之

一年杖六十

折枷二十日

一年半杖七十二

二十日

二年杖八十

三十日

二年半杖九十三

三十三日

三年杖一百

四十五日

徒之外尚有流罪總徒四年雜犯死罪准徒五年旗人犯徒

折枷不終其身定以年限冀其自新也

流刑三

不忍刑殺流之遠方

二千里杖一百

五十日

二千五百里杖一百

五十日

五百里杖一百

六十日以上均到配折責

附近

七十日

近邊

七十五日

八十

九十日

旗人犯軍罪折枷三個月雜犯死罪折枷三

個月十五日

死刑二

凡律中不註監候立決字樣皆為立決凡例

絞

斬

內外死罪人犯除應決不待時外餘俱監固候秋審朝審分別情實緩決矜疑奏請定奪身犯二罪俱應斬決加擬梟示

嘉慶九年例

五刑之外又有充軍一條乃屬後起之例以其罪不止於徒流而又不可遽加入于死故特充軍以蔽其辜大抵皆起于例後故五刑本文未及之

凡笞杖罪名折責概用竹板長五尺五寸小竹板大頭濶一寸五分小頭濶一寸重不過一斤半大竹板大頭濶二寸小頭濶一寸五分重不過二斤其強盜人命事件酌用夾棍

康熙四十四年例

夾棍中樅木長三尺四寸兩旁木各長三尺上圓下方圓頭各濶一寸八分方頭各濶二寸從下量至六寸處鑿成圓窩

江夏縣志卷五

刑法

二五

四箇方各一寸六分深各七分按指以五根圓木為之各長七寸徑圓各四分五釐其應夾人犯不得實供方夾一次再不實供許再來一次用刑官有任意多用者該管上司不時

察察倘有徇隱事發並交部議處

康熙四十四年例

凡尋常枷號重二十五斤加重三十五斤枷面各長二尺五寸濶二尺四寸至監禁人犯止用細鍊

長七尺不用長枷重五斤

嘉慶十九年修改

以上皆載大清律例此外有例所不載者皆為非刑仁人君子斷不忍用

配犯

凡徒役各照應徒年限並以到配所之日為始限滿釋放流

犯照依本省地方計所犯應流道里定發各處荒蕪及瀕海州縣安置應遷徙者遷離鄉土一千里外

徒五等發本省驛遞

流三等湖北布政司府分流山東

凡問該充軍者附近發二千里近邊發二千五百里邊遠發三千里極邊煙瘴俱發四千里定地發遣充軍人犯在京兵部定地在外巡撫定地仍抄招知會兵部

湖北布政司府分發襄陽府附近江西附近浙江附近四川附近

附近江南附近山西附近陝西附近直隸附近

邊遠廣東附近地方遠極邊烟瘴

江夏縣志 卷五

刑法

三五

按軍犯皆遠方之人所犯案情或非大惡攜家到配安分營生與死罪減等改發之遣犯不同遣犯多係克惡盜犯非嚴加管束則為害地方尋常軍犯良懦有之勿任胥役欺陵視為可虐

秋審

各省委員押解秋審人犯止令逐程交替不必長解守候其交替之時將人犯並解役當面點交前站委員收明始回本地其審畢發回時亦照此逐程發遞乾隆四十六年例

各省起解秋審人犯各州縣如有相距在七十里以外不及收禁者該地方官預期選撥幹役前赴密宿之處傳齊地保知會營汛同原解兵役支更巡邏防範審後發回一體辦理倘有疎脫及縱放等情將各該役照短解兵役例與原解兵

凡州縣城鄉十戶立一牌頭十牌立一甲頭十甲立一保長
戶給印牌一張書寫姓名丁數出則註明所往入則稽其所
來其客店亦令各立一簿每夜宿客姓名幾人行李牲口幾
何作何生理往來何處逐一登記明白至於寺觀亦分給印
牌上寫僧道口數姓名稽察出入如有虛文應事徒委捕官
吏胥需索擾害者該上司查叅治罪

按盤詰之法莫善於保甲然奉行不善則易於擾民地方
官熟悉四境程途以及村莊遠近延訪正直紳士不容胥
役包庇爲姦則耳目
聰明可無壅蔽矣

夜巡

夜行有禁以防姦盜設有捕役更夫巡邏京城夜禁一更三

江真縣志

卷五

刑法

二十七

點鐘聲已靜之後五更三點鐘聲未動之先犯者笞三十二
更三更四更犯者笞五十外郡城鎮各減一等其京城外郡
因公務急速軍民之家有疾病生產死喪者不在限禁 其
暮鐘未靜曉鐘已動巡夜人等故將行人拘留誣執犯夜者
抵罪

若犯夜拒捕及打奪者杖一百因而毆巡夜人至折傷以上
者絞監候死者斬

監候拒捕者指犯夜人打奪者旁人也若
巡夜人誣執犯夜因有拒捕互毆至死者

以凡鬪

毆論

按捕盜莫良於夜禁街巷設立木柵二更後卽行鎖閉非
有急事不開形迹可疑立即盤詰送究縱有夥黨爲柵所
阻不能聚集可無
拒捕打奪之慮

救火

春秋襄公九年宋司城樂喜知將有火災素戒爲備火之政使司里具繩缶繕守備蓋慮因災爲亂也後世師其意束木爲桶以受水置錫管於內曲一直二下通而上歧正中設機左右抑揚之則水自曲管洶洶出高可數仞如神龍在空澍雨下注設遇地方失警卽輕騎滅從率丁壯數十人各執麻桿火鉤長繩斧鋸向失火地方鳴鑼督聚賞其勇於趨事而罰其不力者雖燎原之勢無難撲滅至於多備水缸水桶水池無事蓄聚一切花爆流星諸凡引火之物不時示禁小心火燭責成地保此尤防患於未然也

江夏縣志

卷五

刑法

二五

禁賭

博卽古六博之博謂以遊戲之具角勝負而賭財物今擲骰鬪牌之類是也習於賭博必至妨廢本業耗敗家貲比之匪人入於斂類特設此條

凡賭博不分兵民俱枷號兩個月杖一百偶然會聚開場窩賭及存留之人抽頭無多者各枷號三個月杖一百官員有犯革職枷責不准折贖奴僕犯者家主係官交與該部係平民責三板該管各官不行嚴查緝拿別經發覺者交部議處總甲管五十或旁人出首或賭博中人出首者自首人免罪仍將到場財物一半給首人充賞一半入官凡以馬吊混江

賭財物者俱照此例治罪賭飲食者坐不應重律以上俱拿獲牌戲見發有據者方坐不許妄扳拖累

按開場聚賭以及造賣賭具皆有治罪專條載在律例禁賭爲厚風俗之本然愚民犯法往往不知兵役藉以罔民得規包庇賭棍必縱之漏網而富家子弟破家殞身良可憫惻執法者貴能通法外之意毋徒膠柱鼓瑟也

江夏縣志卷

風俗志十

習尚

文風

歲時

昏喪

農事

商賈

物產

國不異政家不殊俗至治之世所以一道同風也然古今異宜習尚有變觀風宣令視乎其時君子信而後勞其民未信則以為厲己也士習為民風之本士習不正人心之憂古人下車式有道之間拒陽鱈之至皆所以為勸也文不古若猶非所急重農節用通商惠工亦今日之要務也

習尚

漢班固地理志云火耕水耨民食魚稻故嵒窳偷生而無積聚

江夏縣志

卷五

風俗

三

隋地理志云人多勁悍決烈

唐崔郾云土沃民剽雜以夷俗

圖策云田里小民務農力本

又云自昔軍興士民頗鮮存者而西北避地者萃焉東南趨利者輳焉五方雜寓家自為俗

宋柳拱辰郡守題名記云士子以文詞相高有六朝舊體

元明善武昌路學記名武弛文張民日趨於禮樂而不知為之者

歐陽元云俗尚質朴不事浮華

國朝

省志云武昌隸會省四方輪蹄輻輳之處民俗視列郡稍靡
縉紳服習教化尙不改其悖愿之習非公事不輕入公門士
樂絃誦少絀綺之好故科第不乏其小民畏挺甚於懾刃其
愚如此可念也若其人廣心浩大如其山川之氣不喜偵吏
長短以故賦否未易聞也楚民故龐厚而鄂爲首故著之云
潘志云江邑當省會衝租稅所入不足以備一年之儲仰給
者皆湖南沔漢所輸運其山則複嶺澤爲巨浸種稔田疇十
不三四有田者不躬畝實產難棄業易拙於封殖敦於詩
書班固所謂器窳偷生而無積聚洵然與至其廛肆牙儉魚
米市魁土木技藝卜筮陰陽率多外籍若序黌之餘經術之

江夏縣志

卷五

風俗

三十

外無他論習抱隕詘之恥高不見之節縉紳先生縣車之後
深自養重惟與親戚話舊山水娛情鮮雜賓他嗜高風勁節
自昔而然當明季時寢淫以薄而今之士大夫猶能兢兢守
禮不妄干法紀云歲時之俗與各邑同也

文風

里多家塾恒避喧就寂門必當直流以得水靈秀之氣曉案
芸烟夜窗燈火家絃戶誦始彬彬禮樂風矣
小兒始受句讀必避閏年恐滯鈍不靈或遲達也

歲時

元旦盛衣冠祀家神畢蚤起鳴爆啟外戶出視歲吉所尚拜

祝復拜竈神乃歸日出方遲出恐遇不祥人爲一歲咎人拜
祖先賀歲幼者拜尊長以次爲差是日同村合族或異村近
族往來相慶自是周親密友讌集酬酢幾盡一月村人致饒
相餉俗曰年糍

上元早食屑糯米爲粉團俗謂糊田塍使不滲漏也婦女羣
入林折枝簪髻爲踏青遊

上元夜初更時各園遍地插燭鳴爆竹曰趕毛狗恐其害菜
也是夕村女輩以女衣左右持之設香案誦俚歌降神云請
戚姑神來各如所叩以首肯否決休咎其女衣先於歲前二
十四夜露置屋上以柳枝幕之按神傳爲戚姑俗訛謂七姑

卽七星仙女益荒謬也

上元前後數夕剡竹蒙紙爲龍狀篝燭者曰龍燈作魚獸狀
曰散燈鼓吹喧闐往來紛纒爆聲達旦城中或爲游龍或爲
麒麟或爲狻猊或躡行之戲月杪比戶釀金演劇曰燈戲
十六夜婦女出遊曰走百病

二月社日鄉各爲社會以祀社祈穀

花朝女郎穿耳留髮及納采問各多以是日爲吉

清明墓祭以竹木枝束五色紙挂楮錢綵毬植於墳巔子孫
羅拜有闔族鼓吹聚飲者亦綴食之遺

三月二十八日城東東嶽廟爲天齊會遠近居民先期懸榜

演劇屆日十曾然燭鏡鐸步虛聲不絕市中百戲迭陳觀聽
驚集

三月內會城人遊春東郊爭於各市醪飲日上廟香車寶馬
裓服靚裝極藻野繙川之盛

端午日鄉人蒲艾插門飲雄黃酒小兒塗雄黃於額耳以避
時氛食角黍曰解糗漢江龍舟競渡設標船懸賞角勝者或
至覆溺且有鬪狠者弔屈之意可存而競渡之風當禁
端午夜婦人以荆條拂帳中向外驅之避蚊蚤也

五月十三日關帝廟爲單刀會俗呼是日雨爲磨刀雨云晴
則麻熟蓋謂不雨則磨以油也

江夏縣志

卷五

風俗

三三

七夕俗多食菱曰齧巧訛乞爲喫也

七月十四日俗謂鬼給假之時家各具酒食祭其先人以紙
裹楮錢焚之曰冥袱有新亡者則先數日祀之傳爲新鬼先
返故也事雖無徵要亦秋霜之惕

七月初一至十五日僧道作盂蘭盆會糊紙爲盞注油然燈
燃曰蓮花燈承以蘆葦置水中云照幽冥以度鬼散布上游
順流而下紅燈萬盞燦爛江波黃鶴樓頭觀者頗眾或於陸
地施放則曰路燈是夕寶通塔七層綴燈燭赫赫若張火織
也

八月朔望日多赴黃陂木蘭山進真武香者平時刻木爲山

上列諸神像柄持之迎爲前道曰亮子先數日於首人處設壇奉真武像延方士建醮曰祈腳力鳴金呼佛趾錯於途中秋夜團餠爲餅比戶皆然羣於瓜哇探之曰摸秋得瓜者男祥得葫蘆女祥也城中滋陽橋石龍首少婦爭往撫之以爲禱禱不知所起有覲於嗣者羣設綵亭貯瓜鼓吹舁送其門置牀上各臥榻出吉語徵兆蓋取綿綿瓜瓞之義也

撫

又是夜小兒各執荷盤然燭於上周行坊市傳爲弔賀文忠也亦角黍投江之遺意云

又是夜作寶塔會始自小兒以石塊砌塔於內然燭里人沿之聚瓦堆砌高者丈餘燭影燈光玲瓏有致月上時羣具衣冠拜其下鼓吹喧闐飲酒歡呼自宵達旦

江夏縣志

卷五

風俗

三四

重九士大夫攜酒登高俗多製餠相餉以盆栽菊花累數十本曰菊山貧者亦分植數本是日造酒

十二月八日曰臘八日家以果餅爲粥供佛

十二月二十四夜爲小歲餽團果餅以祠竈神焚紙馬具疏求福傳爲送司命上天奉善惡曰送司命是夕俗謂鼠嫁女家以麪餅紙花置暗處云爲添箱不春不磨恐驚之則一歲擾人也除日具羹飯庶饑祀祖先親好餽遺夜則互相往還曰辭年桃符春聯比戶一新

除夕更深執香炳燭迎竈神鏤楮爲錢遍粘戶牖曰封門自

是外戶不啟滿室然燈通宵不滅滅卽不祥謂是夕爲疫神
佈災時也鑼鼓喧闐云以避祟舉室不臥曰守歲聚飲曰團
年爆竹聲達旦不絕將曙犬先鳴有災猫先鳴多魚聞者於
此占歲

除日午炊俗視米瀋清則歲澇濃而浮皆糞皮或面有裂縫
則早有則視方所在卜之云驗甚也

○昏喪

娶必備禮親迎新婦輿至門鳴金云避白虎凶神以方士禳
之曰遣白虎城中無之市居用綵轎曰百子轎有贅入婦家
期月而歸者曰捲帳新婦至三日不避客做俗當禁

江夏縣志

卷五

風俗

三五

兒生有不啼者俗呼悶臍生或頻開闔門扇或穴堂中瓦墮
地使有聲或呼其父母乳名兒卽啼也

小兒生三朝宴客曰洗三九朝曰洗九匝月曰滿月週歲設
晬盤坐兒前羅諸物視兒所取物先後卜終身曰抓週

縣東都邑做俗溺女邑近境亦如之當爲厲禁今送育嬰堂
溺女之風漸息矣

生兒欲長命或慮不壽恒飲白金百分鑄鎖梏其項曰百家
鎖力或不給則家乞一線初佩之曰百家線甚或拜僧道爲
徒服僧道服曰寄名

喪事有循古禮不修佛事者然用者較多殮後計日支與死

時相沖預設祭掩戶盡室避他所曰回殃謂亡者歸時有殃神也臨葬必盛饌讌客否則訕笑及葬素旒丹幕視象蒙供備極觀美有溺形家言或久淹不葬固亦求子心之忤而惑有甚者

城市間有迎神會爲臺閣數十內藏鐵幹高丈許必纖飾其外使無迹立小兒其上扮演往事曰故事其他鼓棚綵亭蹻行諸戲暨古玩儀衛導於前後極耀觀坐神於座昇之富室少年盛飾擁小蓋立神後曰躡盤羣以爲榮釀金角勝糜費不貲亦見昇平之盛

○農事

江夏縣志

卷五

風俗

三六

四月有烏名布穀其名自呼農人候此烏則犁耙上岸穀分早秧晚秧早秧於割麥後卽插六月半穫之插晚秧於穫早穀後仲秋時穫之男惟耕種女惟紡織農人之三時不害於斯可見

○商賈

省城當七省衝江夏附郭水陸交通百貨雲集元暨明初匯於金沙洲崇禎間鸚鵡洲沒於江更匯於壇角舟車絡驛熙來攘往號稱極盛兵燹以後開濠清野市廛邱墟而一二操竒計贏者乃散寄於鄉鎮故邑自抱布販米仍守舊業外其餘不過經紀無缺焉

金口鎮米船到岸向不投行即在河下擺棹聽民零糶最為利便嘉慶年間行戶藉口差徭變更舊法經職員程雲炳呈准府縣詳請立案勒碑永遠遵行至今民以為利

○物產

貢銀 唐書地理志

有鐵 唐

川谷生敗醬花黃莖紫八月採根陰乾 名醬別錄

銀綠

質布

芸苔菜俗名油菜苔與城東寶通寺相近其味尤佳他處皆

江夏縣志 卷五

風俗

三

不及

鱒鯉魚出大江 明一統志

鯉魚三十六鱗惟黃鶴磯頭鯉魚三十七鱗其味肥而美之

冬後醃魚者喜買之他省呼之曰楚魚